

又錢相公篋中方取半夏以水研塗之立止

又食醫心鏡以醋磨附子傅之

又經驗方以驢耳垢傅之差崔給事傅

廣利方治蠍螫人痛不止方

楮樹白汁塗之立差

治中蠱毒方第六十三

葛氏方療蠱毒下血方

殺羊皮方三寸得敗鼓亦好藁荷葉苦參黃連當歸各二兩
水七升煮二升分三服一方加犀角升麻各三兩無藁荷根
用茜根四兩代之佳

道藏輯要

肘後備急方

堯

虛集十一

人有養畜蠱以病人其詠法

中蠱令人心腹切痛如有物嚙或吐下血不即療之食人五
藏則死矣欲知蠱與非蠱當令病人唾水中沈者是浮者非
小品姚並同

欲知蠱毒主姓名方

取鼓皮少少燒末飲病人病人須臾自當呼蠱主姓名可語
便去則便愈亦有蛇涎合作蠱毒著飲食中使人得瘕病此
一種積年乃死療之各自有藥又藁荷葉密著病人臥席下
其病人即自呼蠱主姓名也

療中蠱毒吐血或下血皆如爛肝方

茜草根蘘荷根各三兩咬咀以水四升煮取二升去滓適寒
溫頓服卽愈又自當呼蠱主姓名茜草卽染絳草也小品并
姚方同也

又方巴豆一枚去心皮熬鼓三粒釜底墨方寸七合搗爲三丸
一丸當下毒不可者更服一丸卽下

又方鹽一升瀉苦酒和一服立吐卽愈小品同支方苦酒一升
煮令消服愈

又方取蚯蚓十四枚以苦酒三升漬之蚓死但服其汁已死者
皆可活

又方苦瓠一枚水二升煮取一升服立卽吐愈小品同支方用

道藏輯要

肘後備急方

卷

虛集十一

苦酒一升煮令消服神驗

又方阜茨三挺炙去皮子酒五升漬一宿去心分三服小品同
療飲中蠱毒令人腹內堅痛面目青黃淋露骨立病變無常方
取鐵精搗之細篩又別搗烏雞肝以和之丸如梧子大服三
丸甚者不過十日微者卽愈別有鐵精方

又方猪肝一具蜜一升共煎之令熟分爲二十服祕方小品同
支方分作丸亦得

又方取棗木心剉得一斛著釜中淹之令上有三寸水煮取二
斗澄取清微火煎得五升宿勿食且服五合則吐蠱毒出小
品姚同之

又方雄黃丹砂藜蘆各一兩搗末且以井華水服一刀圭當下吐盡蟲出

又方隱荊草汁飲一二升此草桔梗苗人皆食之治蠱已食下部肚盡腸穿者

取長股蝦蟇青背一枚雞骨支方一分燒爲灰合內下部令深入小品同支方屢用大驗姚方亦同

又方以猪膽瀝內下部中以綿深導內塞之

又方五蠱黃丸最爲療蠱之要其方在備急條中復有自然飛蠱狀如鬼氣者難治

此諸種得真犀麝香雄黃爲良藥人帶此於身亦預防之

道藏輯要

肘後備急方

全

虛集十一

姚氏療中蠱下血如雞肝出石餘四藏悉壞唯心未毀或鼻破待死方

末桔梗酒服一七日一二葛氏方也

支太醫有十數傳用方

取馬兜零根搗末水服方寸七隨吐則出極神驗此物苗似葛蔓緣柴生子似橘子

凡畏已中蠱欲服甘草汁

宜生煮服之當吐疾出若平生預服防蠱毒者宜熟炙煮服卽內消不令吐神驗

又方甘草炙每含咽汁若因食中蠱反毒卽自吐出極良常含

咽之永不慮藥及蠱毒也

又有解百毒散在後藥毒條中亦療方

桑白汁一合服之須臾吐利蠱出

席辯刺史傳效二方云並試用神驗

斑猫蟲四枚去足翅炙桃皮五月初五採取去黑皮陰乾大戟凡三物並搗別篩取斑猫一分桃皮大戟各二分合和棗核大以米清飲服之訖吐出蠱一服不差十日更一服差此蠱洪州最多老媪解療一人得縑二十疋祕方不可傳其子孫犯法黃花公若于則爲都督因以得之流傳老媪不復得縑席云已差十餘人也

道藏輯要

肘後備急方

全

盧集十一

又方羖羊皮方寸七藁荷根四兩苦參黃連各二兩當歸犀角升麻各三兩七物以水九升煮取三升分三服蠱卽出席云曾與一人服應時吐蜂兒數升卽差此是姚大夫方

附方

千金翼方療蠱毒

以榭木北陰白皮一大握長五寸以水三升煮取一升空腹分服卽吐蠱出也

又治蠱毒下血

蝟皮燒末水服方寸七當吐蠱毒

外臺祕要救急治蠱

以白鴿毛糞燒灰飲和服之

楊氏產乳癰中蠱毒

生玳瑁以水磨如濃飲服一盞自解

聖惠方治小兒中蠱下血欲死

搗青藍汁頻頻服半合

治卒中溪毒方第六十四

姚氏中水毒祕方

取水萍曝乾以酒服方寸七差止又云中水病手足指冷卽是若暖非也其冷或一寸極或竟指未過肘膝一寸淺至於肘膝爲劇

道藏輯要

肘後備急方

全

虛集十一

葛氏水毒中人一名中溪一名中灑東人呼爲蘇駭切一名水病似射

工而無物其診法

初得之惡寒頭微痛目注疼心中煩懊四肢振淅骨節皆強筋急但欲睡旦醒暮劇手逆冷三日則復生蟲食下瘡不痛不痒不冷人覺視之乃知不卽療過六七日下部膿潰蟲食五藏熱極煩毒注下不禁八九日良醫不能療覺得急當深視下部若有瘡正赤如截肉者爲陽毒最急若瘡如蠶魚齒者爲陰毒猶小緩要皆煞人不過二十日欲知是中水毒當作數升湯以小蒜五寸以咀投湯中莫令大熱熱卽無力振去滓適寒溫以浴若身體發赤斑文者又無異證當以他病